

[Augsburg], [26. Oktober 1562?]

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 3.

S. Nuptiarum occupatio, Mi d[omine] doctor Ioachime, obstat quò minus hodie tecum esse possim. Praeter enim solennem inuitationem, ipsi sponso stipulata manu νομικῶς εἰπεῖν, condicere cenam sum coactus. αἰσχρὸν δ' ἀνεμώλια βάζειν. Sed quò minus sim de te solicitus, hospitis tui D. Achillis singularis humanitas facit. Cras autem velim te hora 10 esse domi, vt te adducere possim ad prandium cuiusdam humaniss[imi] viri, et de parente tuo praeclarè sentientis, qui nobis ea vetustatis monimenta monstraturus est, quae apud alios non facilè videbis. Vale, et quid facturus sis, per puerum significa. De itinere ne sis solicitus. Dabitur opera, vt comites habeas. Nec te moueant sumptus. Ego pro te hospiti satisfaciam.

Hiero[nymus] Wolfius,
Tuus.